

Cyngor Sir Ynys Môn

Diweddariad ar raglen waith perfformiad ar gyfer Pwyllgor Archwilio 8 Rhagfyr 2015

Astudiaethau Llywodraeth Leol – Diweddariad Awst 2015

Mae'r rhan hon o'r briffio yn darparu diweddariad ar gyflenwi rhaglen astudiaethau Llywodraeth Leol Cymru Gyfan a phrosiectau eraill a reolir yn ganolog. Mae pob astudiaeth yn ymwneud â llywodraeth leol yn unig oni bai bod y sylwebaeth isod yn cyfeirio'n benodol at waith ar Barciau Cenedlaethol a/neu Awdurdodau Tân ac Achub.

1. Astudiaethau Llywodraeth Leol 2014-15

Annibyniaeth pobl hŷn

Cyhoeddwyd yr adroddiad ar 15 Hydref 2015. Mae'r adroddiad ar gael yma - <http://www.archwilio.cymru/cy/cyhoeddi/Annibyniaeth-pobl-h%C5%B7n>

Cyflawni â llai – Hamdden

Disgwylir i'r adroddiad yma gael ei gyhoeddi ar ddechrau mis Rhagfyr 2015.

2. Astudiaethau Llywodraeth Leol 2015-16

Diogelwch Cymunedol

Mae'r gwaith maes wedi'i gwblhau. Safleoedd gwaith maes gogledd Cymru yw Conwy/Sir Ddinbych, Wrecsam, Comisiynydd Heddlu a Throsedd Gogledd Cymru a Bwrdd Cymunedau Diogelach Gogledd Cymru. Bwriedir cyflwyno'r adroddiad cenedlaethol yn ystod gaeaf 2016.

Agwedd strategol cynghorau at gynhyrchu incwm a chodi tâl

Cyflawnir yr astudiaeth hon dan ein rhaglen flynyddol "cyflawni â llai", a bydd yr astudiaeth yn cynnwys archwiliad o agwedd strategol cynghorau at godi tâl, y broses gymeradwyo ar gyfer pennu ac adolygu taliadau mewn cyngor; effaith codi tâl ar wasanaethau a defnyddwyr gwasanaeth; a'r sail ddeddfwriaethol ar gyfer codi tâl.

Mae briff y prosiect wedi ei ddsbarthu, a chyflwynir yr astudiaeth dan gontract â Grant Thornton. Nid yw Ynys Môn yn safle gwaith maes.

Ariannu gwasanaethau trydydd sector gan gynghorau

Hefyd, dan y themâu cyflawni â llai, bydd yr astudiaeth hon yn edrych ar lefel y buddsoddiad yng ngwasanaethau'r sector gwirfoddol, er mwyn meincodi'r canfyddiadau yn unol ag adolygiadau Uned Data Llywodraeth Leol a gynhaliwyd ar ran Cyngor Gweithredu Gwirfoddol Cymru sy'n dyddio o 2001 i 2002. Bydd yr adolygiad yn cynnwys y camau a ddefnyddir i asesu effeithiolrwydd ariannu mewn ardal olrhain, a chytunir ar hyn gyda Chyngor Gweithredu Gwirfoddol Cymru; adolygu prosesau gwneud penderfyniadau i

benderfynu pa un a ddilynir egwyddorion llywodraethu da ar gyfer cyllido gwasanaethau'r trydydd sector. Dosbarthwyd briff y prosiect ac nid yw Ynys Môn yn safle gwaith maes.

3. Astudiaethau Llywodraeth Leol 2016-17

Rydym wrthi'n datblygu a chwblhau rhestr o bynciau astudiaeth posibl i ymgynghori ar ein rhaglen waith yn y dyfodol. Trafodir y rhaglen ddrafft gyda'r timau ymgysylltu yn y cylch nesaf o gyfarfodydd tîm. Yn dilyn hyn, ymgynghorir â'r awdurdodau lleol.

4. Gwaith asesu archwilio gwelliant ar gyfer 2015-16

Mae'r rhan hon o'r briffio yn darparu diweddariad ar y cynnydd ynghylch cyflenwi'r gwaith archwilio ac asesu yn Ynys Môn (bydd rhai astudiaethau hefyd yn cynnwys cynghorau eraill gogledd Cymru a Chymru).

Archwiliad o asesiad o berfformiad

Cafodd y dystysgrif ei gyhoeddi ym mis Tachwedd ac mae Adroddiad Perfformiad y Cyngor yn cydymffurfio â chanllawiau Llywodraeth Cymru a'r Mesur LIL.

Adolygiad cydnerthedd ariannol

Mae'r adolygiad wedi'i gwblhau a darparwyd adborth anffurfiol i'r swyddog Adran 151. Mae adroddiad lleol wedi'i ddrafftio ac yn dilyn adborth gan y Cyngor, caiff yr adroddiad ei gyhoeddi ym mis Rhagfyr/Ionawr.

Adolygiad o lywodraethu

Bydd y gwaith hwn yn canolbwyntio ar feysydd y nodir bod angen eu gwella yn yr adroddiad Asesu Corfforaethol. Amserlen – mis Rhagfyr 2015 i fis Mawrth 2016.

Adolygiad rheoli perfformiad

Astudiaeth ar draws pob un o chwe chyngor gogledd Cymru ar feincnodi costau gwasanaethau cymdeithasol o'i gymharu â pherfformiad. Mae'r astudiaeth yn cynnwys cyfranogiad AGGCC a thrafodaethau gyda staff cyngor. Amserlen - mis Medi i fis Rhagfyr 2015. Mae cyfarfod rhwng SAC, swyddogion arweiniol y Cyngor ac AGGCC wedi'i drefnu ar gyfer 21 Rhagfyr i drafod canlyniadau posibl o ddadansoddiad o'r dangosyddion.

Adolygiad(au) a benderfynwyd yn lleol

Gwaith dilynol ar agweddau y nodwyd bod angen eu gwella yn yr adroddiad Asesu Corfforaethol. Amserlen – mis Rhagfyr 2015 i fis Mawrth 2016. Bydd hyn yn deillio o'r Asesiad Corfforaethol yn dilyn trafodaeth gyda'r Cyngor.

Adroddiad Gwella Blynyddol

Crynodeb ac asesiad blynyddol gan yr Archwilydd Cyffredinol a rheoleiddwyr eraill.
Amserlen – mis Rhagfyr 2015 i fis Mawrth 2016.

5. Gwaith asesu archwilio gwelliant ar gyfer 2014-15

Asesiad corfforaethol

Cyhoeddwyd yr adroddiad terfynol ar 2 Rhagfyr ac fe fydd yn cael ei gyflwyno i'r Cyngor ar 9 Rhagfyr 2015.

6. Gwaith ddilynol ar argymhellion cenedlaethol

Mae Swyddfa Archwilio Cymru yn gweithredu ar argymhellion a wnaed mewn adroddiadau astudiaethau cenedlaethol yn ystod 2014-15 trwy gyflawni arolwg i bob cyngor yn yr hydref o 2015. Fe fydd hwn yn galluogi gwerthuso cynnydd ar argymhellion ym mhob cyngor, llywio gwaith cynllunio lleol ar gyfer 2016-17, a rhoi darlun cenedlaethol o weithrediad ar argymhellion SAC.

7. Astudiaethau Cenedlaethol Gwerth am Arian

Mae tabl ar wahân wedi ei gynhyrchu sy'n nodi'r astudiaethau cenedlaethol a luniwyd gan Swyddfa Archwilio Cymru neu y mae'n eu cynllunio trwy'r cyfnod 2015-16.